

33. De diacona.  
 34. De monacha.  
 35. De commatre.  
 36. De sorore.  
 37. De nepte.  
 38. De virgine non desponsata.  
 39. De conjugiis quatuor generationis quondam Anglis permisis.  
 40. De conjugio vitando.  
 41. De his qui infra septimam generationem ne-scienter conjuncti sunt.  
 42. Ut conjunctio consanguineorum prohibeatur.  
 43. De his qui se proximis copulant.  
 44. Quod matrimonia affectu contrahuntur.  
 45. De affinitate ex decretis Innocentii.  
 46. Ut conjugia a presbyteris, diaconibus, subdia-conibus contracta dissolvantur.  
 47. De cognata vel quam cognatus habuit.  
 48. Isidori capitula de septem gradibus consanguini-natatis.  
 49. De diversa fornicatione.  
 50. De mulieribus fornicantibus.  
 51. De fornicatione presbyteri.  
 52. De muliere que cum duobus fratribus nupserit.  
 53. De concupita muliere.  
 54. De Sodomitico scelere.  
 55. Quod propter quamdam fornicationem separatus vel separata nubere potest.  
 56. Quid fiat de illo qui filiam vel filiastram ad confirmationem vel fontem tenuerit.  
 57. De varietate homicidiorum.  
 58. Quod detractor sit homicida.  
 59. De voluntario homicida.  
 60. De homicidio non sponte commisso.  
 61. De occiso pœnitente.  
 62. De uxoris interfectore.  
 63. De poena matricidæ.  
 64. De patricida et fratricida.  
 65. De interfectione impii.  
 66. De juramentis.  
 67. De perjurio pro vita redimendo.  
 68. De perjurio qui alias in perjurium ducit.  
 69. De eo qui sciens perjurat.  
 70. De eo qui contra id quod suspicatur jurat.  
 71. De perjurio in manu episcopi vel cruce.  
 72. Quod verum jurare non sit peccatum.  
 73. De juramento synodali.  
 74. Ut pueri ante quatuordecim annos non cogantur jurare.  
 75. Ut perjurium emendetur sicut adulterium.  
 76. De his qui per capillum vel per caput Dei ju-rant.  
 77. De incautis juramentis non servandis.

- A 78. Si utendum sit fidei veritatis per falsos deos.  
 79. De perjurio cavendo etiam in communis loqua.  
 80. Quacunque arte verborum quis juret?  
 81. De multimodis iuramentis et mendaciis.

LIB. IX. *De raptoribus et furibus.*

1. De membrorum truncatoribus et incensoribus.  
 2. Quod non sursum, sed mens juris attenditur.  
 3. De eo qui aliquem exspoliavit.  
 4. Quod non sit sumendum exemplum spoliandi.  
 5. Quod oblatio de rapina maculosa sit.  
 6. Ut pauperum defensio ab imperatore postuletur.  
 7. Peccatum esse diviti ablatum pauperi dare.  
 8. Rapinam esse inventi non redire.  
 9. Regum esse oppressos liberare, nec effusionem sanguinis esse malos punire.  
 10. De puniendis malis.  
 11. De oratione qua orat ut temperentur interdicta.  
 12. Quibus licet sit malos occidere.  
 13. Ut mali non occidantur, sed corrigantur  
 B 14. De tolerandis vel fugiendis vel impugnandis malis.  
 15. Quod bella cum benevolentia sint agenda.  
 16. De persecundis vel depravandis hostibus.  
 17. De praedandis hostibus ecclesie.  
 18. De eo qui, cum possit, injuriam non repellit a socio.  
 19. De pœnitentia.  
 20. De reconciliacione pœnitentis.  
 21. De utili pœnitentia.  
 22. Quod non tam mensura temporis quam doloris consideranda est.  
 23. Ut pœnitentia publice agatur.  
 24. Post dignam pœnitentiam posse aliquem docere.  
 25. Cur prohibeatur clericatus post pœnitentiam.  
 26. Quod oblata oporteat pœnitentem restituere.  
 27. Quod nullum peccatum sine pœnitentia remit-tatur.  
 C 28. Quod pro conversione necessaria sit pœnitentia.  
 29. Quod venia non accipiatur sine pœnitentia.  
 30. Ne aliquis episcoporum alienum pœnitentem suscipiat.  
 31. Indulgentia Dei nisi supplicationibus sacerdotum obtineri nequit.  
 32. De his qui se occulto crimine contaminarunt.  
 33. Quod par causa sit inulteris adulterium et viri adulterium.  
 34. De justa et injusta misericordia.  
 35. De persecutibus sacerdotes.  
 36. De cruce et imagine.  
 37. De reconciliatione excommunicatorem.

## APPENDIX SECUNDA

### OPUSCULA SPURIA.

*Bibliotheca Veterum Patrum, Supplementum, tom. XXVII, col. 436.)*

## F. P. LUCÆ WADDINGI

ORDINIS MINORUM

### AD SEQUENTIA OPUSCULA PRÆMONITIO.

Duo nobis desunt sanctissimi viri opuscula, Commentarii scilicet in Threnos Jeremiæ, et in Psalmos Davidis, quorum postremos morte præventus complere non poterat. Etsi a nobis diligenter perquisitos, hactenus reperire non potuimus: si aliquando apparuerint, auctiori dabimus editione. Interim laboramus

*circa collectionem canonum, quam libris tredecim Anselmus absolvit, et Anselmi Decretum quidam appellant. Eam suis numeris absolutam a mendis et erroribus expurgatam, notisque, ubi oportuerit, illustratain, Deo propitiante, aliquando in lucem profereimus.*

Quæ vero sequuntur opuscula, Arnoldus Uvion tribuit S. Anselmo (*Uvion in notis ad diem 18 Martii*), eaque extare, et Anselmo ascribi in codicibus prægrandibus membranis bibliothecæ cœnobii S. Benedicti Mantuani testatur Possevinus (*in Appar.*). Eminentissimus dominus Franciscus cardinalis Barberinus, Beneficii ordinis protector, pro sua erga me veteri ac peculiari benignitate, atque innata in omnes bonarum litterarum cultores benefica propensione, curavit inde fide integra hoc exemplar transmitti. Atqui illa eloquio humiliiora, quæ tanti viri præferant gravitatem, alicui videbuntur. Verumtamen conjecturæ quæ ex stylis varietate efformari solent, leves frequenter apparent et fallaces; quippe manifestum est non euendem in universis operibus suis sermonem methodumque servare sacros doctores, præsertim eos qui præter doctrinæ excellentiam, vitæ addunt sanctitatem, et pietatis igniculis incensi frequenter feruntur in Deum. Dei verbis alios quandoque gravius reprehendunt, suis precibus aliquando Deum humilius pro se interpellant. Pro rei et argumenti varietate modo extollunt, modo deprimit sermonem, nec codem vocis tenore agendum judicant cum Ecclesiæ persecutor et cum mundi conditore. Spiritus intus alit humiles cordis cogitationes, et foris edit lenes vocis susurros, in conspectu illius pro cuius bonorum in spiritu vehementi plerumque clamant, et quasi tuba exaltant vocem suam, annuntiantes populo sclera eorum, et dominibus principum peccata eorum. Cum quo quis loquitur, et de qua re agitur expendendum, adeoque temperandi sermones, ut undequeque convenient. Anselmus modo cum Henrico tyranno in acie pugnat, modo contra schismaticos scriptis tonat, attamen in cubiculi penetralibus dirinum semper aliqd intus agitat, et contemplabatur calestia (*In Vita num. 30*), quæ reverenti deinde promebat eloquio. Nihil ergo mirum si graviter doceat, et humiliiter oret; si sacras Scripturas in tyrannos acriter contorqueat, et divina mysteria humiliata mentis meditetur affectu. *Multos libellos propriis manibus conscripsisse* Vitæ auctor recenset (num. 25). Quid si inter illos isti? Certe in ipsa illa domo in qua vitam monasticam et contemplativam professus est, omnes isti qui sequuntur, contemplationum libelli, preffix ad singulos ejus nomine, diligenter conservantur. Liceat itaque precedentibus opusculis ista subtexere, saltem ne pereant.

## I.

### MEDITATIO IN ORATIONEM DOMINICAM.

1. *Pater noster, qui es in cælis, sanctificetur nomen tuum, etc. O summa clementia! O ineffabilis benignitas! O mira dignatio! O longitude, latitudo, sublimitas, et profundum charitatis divinae! Vilissimum lotum sum, detestabilis sanies, nequissima creatura, et tamen Deus deorum, Rex regum et Dominus dominantium, se meum Patrem dicit. Cum oratis, inquit, dicite: Pater noster, etc. Ex quo hoc dicit ipsa Veritas, verissimum est. Et scio quod plus sine comparatione me diligit quam pater carnis vel mater, imo quam ego ipse. De tanto ergo Patre elevabitur cor meum ut aquila, et jam hujus celi inferiora conteinnam. Quid ultra mihi de terrenis honoribus qui sum filius Dei? Majus dedecus esset mihi appetere quantumcunque magnum honorem terrenum quam filium imperatoris appetere latrinæ officium. Quid ultra mihi de terrenis divitiis qui regni æterni sum hæres? Ignominiosius esset mihi de quantumcunque magnis divitiis terrenis curare quam primogenitum imperatoris de summo equorum suorum. Quid ultra mihi de deliciis carnis, de terrenis, quantumcunque magnis? Detestabilius esset mihi filio Regis summi afflci in quantumcunque allectiva creatura quam filium imperatoris in sanie fetidissima. Quid bonum, quid pulchrum, quid utile, quid desiderabile me alicere potest qui hæres sum fontis omnis pietatis, et boni? Omnia respectu illius non sunt nisi quædam similitudo et umbra. Accedam ergo ad Patrem meum, qui nihil aliud vult nisi ut habeam eum. Nunquid ergo negli-*

A gens ero? Nunquid pausabo? Nunquid aliis intentus ero? Certe cum impetu, omnibus postpositis, curram ad eum. Sufficit mihi, si habeo Patrem meum, et ideo toto corde tendam in eum. Non aspiciam, non aliud videbo nisi Deum meum, quia oculus mentis meæ totus tendit in illum, quia nimis allexit animum meum. *Pater noster.* O mel, et savum in ore meo, cum te Deum meum, Patrem meum voco! O dulcedo indicibilis! O jucunditas inæstimabilis! O jubilatio ineffabilis, cum audeo te Patrem vocare! O exsultatio! O admiratio! O medullaris modulatio! Quia Pater meus es tu. Quid ultra pretendam? Quid ultra dicam? Quid ultra petam? Pater meus es tu.

B 2. Sed ubi es, Pater mi? ubi es, si ubique es? Imo quia ubique, quomodo cœlum tibi sedes est? Sed ideo, benignissime Domine, vis ut dicamus *Pater noster, qui es in cælis*, ut nos a terrenis ad coelestia eleves, ubi maxime tua potentia, sapientia, et bonitas elucescit; ut ibi, mi pater, sit semper tecum conversio et conversatio nostra, ut a te coelestia, non terrena, petamus; aut certe ut, nos spirituales cœli facti, in nobis sit habitatio tua. Quid ergo nos tardabit? Quid nos retrahet? Quid impedimenta parabit quin coelestem, non terrenam, vitam ducamus, ut in nobis sit habitatio tua? O digna admiratio, mira dignatio, et dignissima habitatio Christi in nobis! Ego fœdissimus filius et abominabilis peccatorum latrina, valeo esse ex immensa Dei mei clementia tabernaculum ejus. Et qui sum ple-